



**REPUBLIKA E SHQIPËRISË
KOMISIONI QENDROR I ZGJEDHJEVE**

V E N D I M

PËR SHPALLJEN E MOSZGJEDHSHMËRISË TË KANDIDATIT TË RADHËS NË LISTËN SHUMEMËRORE TË PARTISË DEMOKRATIKE, QARKU ELBASAN, Z. IBRAHIM FEMI SAKO, PËR PLOTËSIMIN E VAKANCËS SË NJOFTUAR NGA KUVENDI I SHQIPËRISË.

Komisioni Qendror i Zgjedhjeve në mbledhjen e datës 07.05.2019, me pjesëmarrjen e:

Klement	ZGURI -	Kryetar
Denar	BIBA -	Zv.Kryetar
Bledar	SKËNDERI-	Anëtar
Edlira	JORGAQI-	Anëtare
Rezarta	BITRI-	Anëtare

Shqyrtoi çështjen me

OBJEKT:

Për shpalljen e moszgjedhshmërisë si deputet i Kuvendit, të kandidatit të radhës në listën shumëmemërore të Partisë Demokratike, Qarku Elbasan, z. Ibrahim Femi Sako për plotësimin e vakancës së njoftuar nga Kuvendi i Shqipërisë.

Baza Ligjore:

Neni 23, pika 1, germa "a", neni 164, pika 2, 175, pika 2, i ligjit nr. 10019, datë 29.12.2008 "Kodi Zgjedhor i Republikës së Shqipërisë", i ndryshuar, neni 11, i ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike" dhe kreu II, pika 2, 3, e vendimit nr. 17/2016 të Kuvendit "Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015.

KQZ pasi shqyrtoi dokumentacionin e paraqitur dhe dëgjoi diskutimet e përfaqësuesve të partive politike,

VËREN

Nëpërmjet shkresës nr. 792/1 prot., datë 25.02.2019, drejtuar Komisionit Qendror të Zgjedhjeve, Sekretari i Përgjithshëm i Kuvendit z. Genci Gjonçaj, njofton krijimin e vakancave në Kuvendin e Shqipërisë, për shkak të përfundimit të parakohshëm të mandatit të deputetëve të zonës zgjedhore, Qarku Elbasan, të subjektit politik Partia Demokratike.



Nr. 239 i Vendimit Data 07.05.2019 e Vendimit Ora 11:00 e Vendimit

Për shpalljen e moszgjedhshmërisë si deputet i Kuvendit, të kandidatit të radhës në listën shumëmemërore të Partisë Demokratike, Qarku Elbasan, z. Ibrahim Femi Sako, për plotësimin e vakancës së njoftuar nga Kuvendi i Shqipërisë

Neni 164 i Kodit Zgjedhor përcakton se në rast të ndërprerjes së mandatit të deputetit, Kuvendi njofton KQZ-në për krijimin e vakancës dhe KQZ merr vendim për dhënien e mandatit të deputetit, kandidatit të radhës në listën shumemërore të së njëjtës parti politike në zonën zgjedhore përkatëse, regjistruar sipas nenit 67 të Kodit Zgjedhor.

Komisioni Qendror i Zgjedhjeve me vendimin nr. 555, datë 26.07.2017, shpalli rezultatin përfundimtar të zgjedhjeve për Kuvendin e Shqipërisë datë 25.06.2017, si dhe miratoi listën emërore të deputetëve të zgjedhur për çdo subjekt për çdo zonë zgjedhore. Sipas vendimit të sipërcituar Partia Demokratike për zonën zgjedhore Qarku Elbasan, për zgjedhjet për Kuvendin e Shqipërisë të datës 25 Qershor 2017, ka fituar 03 (tre) mandate dhe kandidatët fitues nga lista shumemërore e Partisë Demokratike, Qarku Elbasan, janë numri rendor 01 (një) z. Edmond Shyqyri Spaho, me numër rendor 02 (dy) z. Endri Nuri Hasa, me numër rendor 03 (tre) z. Luçiano Dhimitër Boçi.

Rezulton se lista shumemërore e Partisë Demokratike Qarku Elbasan nuk i plotëson të gjitha kriteret e përcaktuara në nenin 67, të Kodit Zgjedhor, duke përfshirë dhe kriterin e gjinisë. KQZ me vendimin nr. 566, datë 05.10.2017 vendosi sanksionin administrativ gjobë në masën 12.000.000 (dymbëdhjetë milion) lekë ndaj Partisë Demokratike.

Në bazë të nenit 175, pika 2, të Kodit Zgjedhor, KQZ në rast vakance të krijuar në mandatet e fituara nga lista shumemërore e Partisë Demokratike, në Zonën Zgjedhore Qarku Elbasan, duhet të zbatonte dhe sanksionin plotësues, duke zëvendësuar vakancën e krijuar me kandidatin e radhës nga gjinia më pak e përfaqësuar.

Në bazë të nenit 175, pika 2, të Kodit Zgjedhor, kandidatët vijues nga gjinia më pak e përfaqësuar e listës shumemërore e Partisë Demokratike, për zgjedhjet për Kuvendin e Shqipërisë të vitit 2017, Qarku Elbasan, kanë shteruar. Në bazë të nenit 164, pika 2, e Kodit Zgjedhor, fjalia e fundit, kandidati vijues të cilit i kalon mandati i deputetit, është kandidati për Deputet me numër rendor 13 (trembëdhjetë) z. Ibrahim Femi Sako.

Referuar nenit 11, të ligjit nr. 138/2015, "Për garantimin e integritetit të personave që zgjidhen, emërohen ose ushtrojnë funksione publike", vetëdeklarimi dhe verifikimi i kushteve të të dhënave në përputhje me këtë ligj, kryhet për çdo kandidat të listës shumemërore për zgjedhjet pararendëse, për Kuvendin, të cilit i takon të marrë mandatin e deputetit për vendin vakant, sipas Kodit Zgjedhor.

Komisioni Qendror i Zgjedhjeve në zbatim të kreut II, pika 3, e vendimit nr. 17/2016 të Kuvendit "Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, me shkresën nr. 2566 prot., datë 26.04.2019, i është drejtuar z. Ibrahim Femi Sako, duke e njoftuar për depozitimin në KQZ të formularit të vetëdeklarimit për garantimin e integritetit të kandidatit.

Në përgjigje të kërkesës për dorëzimin e formularit të vetëdeklarimit, z. Ibrahim Femi Sako me shkresën nr. 2608 prot, datë 30.04.2019 ka dorëzuar në Komisionin Qendror të Zgjedhjeve njoftimin ku deklaroi se: **Refuzoj të dorëzoj Formularin e Vetëdeklarimit, duke refuzuar të pranoj propozimin e KQZ për kandidimin, zgjedhjen apo emërimin.**



Nr. 239 i Vendimit Data 07.05.2019 e Vendimit Ora 11:00 e Vendimit

Për shpalljen e moszgjedhshmërisë si deputet i Kuvendit, të kandidatit të radhës në listën shumemërore të Partisë Demokratike, Qarku Elbasan, z. Ibrahim Femi Sako, për plotësimin e vakancës së njoftuar nga Kuvendi i Shqipërisë

Referuar nenit 5, pika 2, të ligjit nr. 138/2015 dhe kreut II, pika 2, të vendimit të Kuvendit nr. 17/2016 refuzimi për të dorëzuar formularin e vetëdeklarimit ose mosparaqitja e formularit përbën shkak për mosregjistrimin apo moszgjedhshmërinë e kandidatit si deputet i Kuvendit. Në këtë rast, organi kompetent ndërpret procedurën për propozimin e këtij subjekti për t'u kandiduar, zgjedhur apo emëruar në atë funksion publik.

Në këto kushte referuar nenit 11, pika 2, të ligjit nr. 138/2015, duke qenë se kandidati i radhës në listën shumëmemërore të Partisë Demokratike Qarku Elbasan, refuzoi të paraqesë formularin e vetëdeklarimit, KQZ shpall faktin e moszgjedhshmërisë të z. Ibrahim Femi Sako, si deputet në Kuvendin e Shqipërisë dhe të fillojë procedurën për zëvendësimin e mandatit me kandidatin vijues sipas rregullave të përcaktuara në nenin 164, 175, të Kodit Zgjedhor.

PËR KËTO ARSYE:

Komisioni Qendror i Zgjedhjeve, mbështetur në nenin 23, pika 1, germa "a", neni 164, pika 2, neni 175, pika 2, i ligjit nr. 10019, datë 29.12.2008 "Kodi Zgjedhor i Republikës së Shqipërisë" i ndryshuar, neni 11, i ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", kreu II pika 2, 3, e vendimit nr. 17/2016 të Kuvendit "Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015",

VENDOSI:

1. Të shpallë moszgjedhshmërinë si deputet në Kuvendin e Shqipërisë të kandidatit të radhës në listën shumëmemërore të Partisë Demokratike, Qarku Elbasan, z. Ibrahim Femi Sako.
2. Ky vendim hyn në fuqi menjëherë.
3. Kundër këtij vendimi mund të bëhet ankim brenda 45 ditëve, në Gjykatën Administrative të Shkallës së Parë Tiranë.

Klement	ZGURI -	Kryetar
Denar	BIBA -	Zv.Kryetar
Bledar	SKËNDERI-	Anëtar
Edlira	JORGAQI-	Anëtare
Rezarta	BITRI-	Anëtare

